

家

藏

蒙

筌

二

醫家全卷十目錄

癰閉

秘結

附腸交

蜜導法

癘風

諸蟲

諸毒

解一切飲食諸毒

誤吞水蛇

婦科經脈病本

經不調

崩漏

帶下

癥瘕痞癖

嗣育門

胎脈

分男女論

胎候

胎不固

胎動

胎前

胎前

胎毒

胎毒

胎風

胎風

胎交

胎交

胎閉

胎閉

家藏蒙筌卷十

後學王世鍾小溪氏纂輯男迪吉久瑞校訂

癰閉

經曰膀胱者州都之官津液藏焉氣化則能出矣又曰三焦者決瀆之官水液出焉可見膀胱但能藏水必待三焦之氣化始能出焉至於有病或爲熱結或氣秘宜用行氣通利之藥若不足之症乃虛勞汗多五內枯燥不能生津又當忌用行氣通利之藥故東垣分在氣在血而治之以渴與不渴爲辨如渴而小便不利此屬上焦氣分水生於金肺熱則清化之源絕當於肺分助其秋令水自生焉如天令至秋白露始降須用清金之藥

肺得清肅則水道通調如生脈散之類又有脾虛者因飲食失節傷其胃氣陷於下焦經所謂脾胃一虛令人九竅不通况肺金恃脾土健旺以資化源則清氣得以上升使歸於肺而輪下也用補中益氣湯以參苓甘溫之品調其胃氣兼升柴而清升濁降矣清肺者隔二之治也補脾者隔三之治也東垣虛則補母之妙用斯皆滋後天之化源者如此如不渴而小便不利此屬下焦血分下焦者腎與膀胱也乃陰中之陰陰受熱閉塞其下流經曰無陽則陰無以生無陰則陽無以化若淡滲之藥乃陽中之陰非純陰之劑陽何以化須用滋腎丸此氣味俱陰乃陰中之陰也東垣先生治一人小便不通目睛突出腹脹如鼓

皮膚欲裂服淡滲藥不效曰疾急矣非精思不能治思至夜坐
曰吾得之矣經曰膀胱者津液之腑必氣化而能出焉多服滲
利之藥而痛益甚是氣不化也無陽則陰不生無陰則陽不化
甘淡氣薄者皆陽藥獨陽無陽欲化得乎遂以滋腎丸羣陰之
劑投之連服果愈此是陰虛陽無以化也至於真陽真陰虛者
東垣未之論如真陰虛者惟六味地黃以補腎水滋陰丸又所
當禁恐黃柏知母苦寒泄水復傷腎元也又忌淡味滲泄之藥
恐益涸其津液也如真陽虛者須八味丸褚氏云陰已痿而思
色以降其精則精不出而內敗小便道滿如淋精已耗而復竭
之則大小便道牽痛愈痛而愈便愈便而愈痛戴氏云有似淋

非淋便中有如鼻涕之狀此乃精溺俱出精塞溺道故欲出不能而痛宜大皂絲子丸鹿茸丸戴氏亦得褚氏之法也至於便秘轉筋喘急欲死不問男女孕婦產後急用八硃丸料煎飲緩則不救或疑桂附辛熱不敢輕用豈知腎氣虛寒如水冷冰凍之義惟得陽和一至而陰凝自然流通舍此更有何物能直達膀胱而使雪消春水來耶凡臨此症者不得悉認爲熱結膀胱須當詳辨虛實

一膀胱熱結輕者爲癰重者爲閉癰者即淋瀝點滴而出一日數十次莖中澁痛也閉者即小便閉無點滴少腹滿脹痛也此證下既小便不通若上又嘔噦不入爲陰陽氣之闕格也

更加頭額出汗爲陽絕不治之證也

一小便不通各宜隨症用藥如氣虛參芪升麻之類血虛四物湯之類有痰二陳湯之類有火清熱導泉湯之類氣滯香附烏藥枳殼沉香陳皮之類各煎與服卽以此藥多煎一服探吐之以提其氣使清升而濁自降矣

一有孕之婦小便不通者因胞被胎壓下故也多緣氣虛宜八珍湯補中益氣湯主之若不通危劇者令孕婦卧於榻上將榻倒豎起則胎不壓而溺出通後隨即補之

一小便閉塞不通諸藥不效者速尋白菊花根搗爛用酒蒸漚而飲之神效。如白花一時難得不拘何色以家菊花根代

之亦無不效

一治小便不通危急之甚諸藥不效者用猪尿胞一個傾去尿穿一底竅兩頭俱用鵝翎管穿透以線札定並縛住下口根下出氣者一頭乃將尿胞吹滿縛住上竅却將鵝翎尖頭用針刺通撞入馬口解去根下所縛手捻其胞使氣從尿管透入膀胱自然小便即出真妙法也

一簡方治小便不通用虎耳草搗爛熱酒冲服立效

一氣實小便不通宜行吐法譬之滴水之器閉其上竅則下竅不通開其上竅則下竅自利蓋有升必有降理勢之固然也如有痰者即以二陳湯之類探吐之有熱者即以抽薪飲之

類探吐之各因其症而用藥探吐自無不可

一 小便不通脹急危困用皂角一觔搗爛火葱頭一觔紫蘇一觔煎濃湯一盆令病者坐浸其中薰洗小腹下體久之熱氣內達便即通矣若係婦人用生葱熨莖塞陰戶中外加薰洗其效尤速

一 小便不通熨腹法以火葱二三觔搗爛少用火酒浸火炒香熟以稀布包分作兩包更替熨臍腹下即通又方以鹽一大碗炒熱熨之冷則再易再熨亦妙法也

新方清熱導泉湯 治膀胱熱結小便不通

黃芩

木通

梔子

黃栢

枳殼炒

澤瀉

龍胆草

車前子

猪苓

赤茯苓各三錢

燈心水煎服一劑通

滋腎丸

又名通關丸治熱在下焦小便癰閉而口不渴者

黃栢

酒炒二兩

知母

酒炒二兩

肉桂一錢

右爲細末生蜜丸梧子大每服五六十丸空心下此症一

在上焦氣分而渴熱在肺也故宜用氣薄淡滲之藥瀉火

清肺滋水之源也一在下焦血分而不渴熱在腎也故宜

用此氣味俱厚陰中之陰藥少佐桂以引之直達下元也

八正散

治心經蘊執臟腑秘結小便赤澀淋閉不通及血淋

等證

車前子

水通

滑石

山梔仁搗爛

大黃

瞿麥

篇蓄名三不

甘草稍一不尖

燈心三錢水煎服朱震亨加木香二錢其意在化氣歟
化陰煎 治水虧陰洞陽火有餘小便癰閉淋濁疼痛等症

生地

熟地

牛膝

猪苓

澤瀉

生黃柏

生知母

車前子搗

龍胆草

綠豆搗各三不

燈心水煎服

補中益氣湯見補益門

治氣虛下陷升降不利服涼藥不通者

六味地黃湯見補益門

治腎水虧虛小便淋瀝依本方倍茯苓

澤瀉

家藏

卷一

陰明

五

八味地黄湯

金匱腎氣丸 二方俱見補益門治虛人老人或時覺小便短

少或曾經患小便癃閉之症又素無火病必屬真陽虧損

即宜用此二方以固本培元若單虧水者宜前六味

赤茯苓湯 治膀胱實熱小便不通口乾咽腫不利

赤茯苓 猪苓 水通 車前子

滑石 葵子 微炒搗 瞿麥 枳實炒

黃芩各三个甘草稍一个半 薑燈心水煎服

水通湯 治小便不通小腹脹痛

水通 滑石各五个 牽牛二个半 燈心葱白水煎服

琥珀散 治老人虛人小便不通淋瀝

琥珀

為末

人參

煎湯

空心以人參湯調服琥珀末一錢

牛膝湯 治因血結小便不通莖中痛及婦人血熱內結腹堅痛

牛膝

根生

用一兩

當歸

五斤

黃芩

二斤半

水煎

日三服

秘結

秘結之症有虛實二者之分或因風寒邪從外入或因七情火自內起凡暴病或年壯氣實之人而脈浮數有力能食為陽結乃實症也實則宜蕩滌腸胃開結軟堅如大黃芒硝枳實厚樸承氣湯之類是也或因病久飲食少進或因吐瀉汗後津液暴

亡或因年高精血乾枯婦人產後亡血而脈沉遲有力不能食
爲陰結乃虛症也但有二焉一曰陽虛氣不能運化而陰凝於
下而結一曰陰虛精血枯燥津液不潤腸臟而結陽虛者宜八
味丸之類以益其火陰虛者宜六味丸之類以滋其水二者均
宜加肉蓯蓉以潤之或間服潤腸丸微利之總以固本爲要苟
不審虛實而輕用硝黃巴豆牽牛芫花大戟之類雖目前通快
而重虛其虛根本曰竭是欲速自取敗亡矣
經曰北方黑色入通於腎開竅於二陰腎虛則津液竭而大便
燥或六味加蓯蓉人乳白蜜服之最宜故大便秘結專責之少
陰一經證狀雖殊總之津液枯乾蓋腎主五液津液足則大便

如常若饑飽勞役損傷胃氣失於輪化及過食辛熱厚味則熱邪伏於血中耗散真陰血液少而燥結矣分而言之更有胃實胃虛熱秘冷秘風秘氣秘血秘之分胃實而秘者脈浮而數善飲食小便赤胃虛而秘者脈沉而遲不能飲食小便清體重便鞭若面赤身熱六脈數實時欲得冷或口舌生瘡大腸熱結此熱秘也若面白或黑六脈沉遲小便清白喜熱惡冷此由冷氣橫於腸胃凝陰固結津液不到實非燥糞此冷秘也若氣不升降穀氣不行其人多噫此氣秘也若由亡血血虛津液不足此血秘也風搏肺臟傳於大腸或素有風病者此風秘也東垣曰實秘熱秘即陽結也宜散之虛秘冷秘即陰結也宜溫之準繩

曰胃實而秘者能飲食小便赤秘物也胃虛而秘者不能食小便清利秘氣也然臟得血而能液若腎陰既虛不能津液驟生欲求速效未有不致危困又須知虛而多熱者病在血分虛而多寒者病在氣分夫既曰虛猶如貧者室內空虛而欲錙銖累積豈旦夕間所能致耶病者固勿性急而醫者尤宜詳慎多事調養勿輕剋伐若執成方不審時宜皆讀書之過未窺元會運世之微耳

仲景曰小便利而大便硬不可攻下以脾約丸潤之食傷太陰腹滿而食不化腹響然不能大便秘者以苦葯泄之如血燥而不能大便秘者以桃仁大黃酒製通之風結燥而大便不行者以麻